

# السى مزاحمت

Understanding Civil Resistance

**Azaa't Jamaldini**

**Published 2018**

# السی مزاحمت

یک چمشانکے

السی مزاحمت یک انچیں وڑے ء مزاحمت کنگ ء گشنت کہ ایشی تہا مردم ابید شہ زوراکی ء وتی حق، آجوبی و انصاف ء واستہ ء کوشست کن انت۔ ایشی ء ہواریں مردم تن مزنیں حدے ء چا گردی، سیاسی و مالی بدلی ء واستہ ء دربندی، بابیکاٹ و السی احتجاج و دیگہ ہمے وڑیں کار کرت انت۔ نیوگیں دنیا ء السی مزاحمت بازیں ناماں زانگ بیت۔ ایشی ء عدم تشدد، راستیں گام، السی زور، سیاسی ناپرمانی و شہری گل ہم گشنت۔ بلے اے مچ یک وڑ بنت و یک چیزے زانگ بنت۔

عدم تشدد ء زرمبشت باز زوراوہر بنت۔ پرچہ کہ اے ظلم ء خلاف مزاحمت ء تہا زیات آزات و ساپیں چاگرد ء گمان پیش دار انت و مخلوق ء عمل کنگ ء واستہ ء یکجاہ کن انت و پدا کوہنیں نظام ء آراکان ہم دست ء بگر انت۔ کجام وہد ء مہلوک زوراکیں حاکمانی کمک ء ہلاس کن انت۔ گڑا ہمے نظام ء برجہ دارگ مالی وڑ ء باز گراں بیت۔ کجام وہد ء مزنیں مہلوکے ناپرمانی کن انت گڑا ہمے نظام نہ مانیت یا کہ بدل بیت یا گڑا نیست و نابود بیت۔ ہما عدم تشدد ء خلاف بنت سلہ بند و زیات مالدار بوہگ ء چہ پد اوں عدم تشدد ء سرجمیں کاراں چہ چست بوتگیں مہلوک ء ناپرمانی ء دیما اوشتات کن انت۔

ہمے ہاتر ء عدم تشدد ء بازیں زرمبشت دژمنانی خلاف سرجم بوتگ انت۔ گوستگیں سد سالانی تہا ہمک دہیک ء تہا شہ عدم تشدد ء زرمبشتاتی ثواب ء شش براعظمانی تہا مہلوک ایر جنگ بوتگ انت۔ پوجانی دزگیری و قبضہ آنیخلاف سرجمیں مزاحمت کنگ بوت و وتی چاگردانی توک ء انصاف و آزاتی اورتگ انت۔ چو کہ ما گندن ( جنوبی افریقہ ) ء نسل پرستی ء ہلاس واستہ بنجایی کار عدم تشدد ء بوتگ۔ امریکہ ء تہا جنینانی، شہر ء مردمانی حقانی واستہ کار سرجم کرتگ۔ عدم تشدد فلپائن، چلی و انڈونیشیا ء راجانی ظالم و زوراکیں حکومتاں ایر جنگ۔ (اے ڈنمارک و روچ ٹکی تیموا) ء تہا درملکی قبضہ گیرانی خلاف ء کار ات۔ ہندوستان ء چہ برطانیہ آزاتی ء بنیاتی وجہ عدم تشدد بوتگ۔ ایشی ء رودراتکی یورپ ء جعلی ووٹاں پد مان کتگ۔ لبنان ء شام ء قبضہ ہلاس کتگ۔ انسانانی حقانی واستہ ء انساپ ء ہاتر ء مہلوک ء حکومت جوڑ کنگ ء واستہ ء بازیں سرزمیناں کار ات

کلیدی گمان

عدم تشدد و اخلاقی عدم تشدد

عدم تشدد ء مزاحمت یک سیاسی جدوجہدے زانگ بیت۔ اخلاقی عدم تشدد قانون و راہبندانی یک کلے۔ کہ مارا شہ زور و زوراکی ء پھریز ایت۔ چیزے سرجم بوتگیں عدم تشدد ء زرمبشتانی توک ء، چوشکہ ہندوستان ء آزاتی ء زرمبشت و امریکہ ء حقانی واستہ ء چست بوتگیں زرمبشت ء تہا بہر زوروکیں مردم اخلاقی عدم تشدد ء دست ء گپت انت۔ بلے عدم تشدد ء مزاحمت ء چوشیں ہج پاسداری نیست کہ بہر زوروکیں مردم المی عدم تشدد ء وتی کنگ ء مجبور بنت۔ راستی ء تمامیں تاریخ ء زیات ہمے وڑ

بوتگ کہ عدم تشدد ۽ بہر زور وکیں مردم کم ۽ زیات اخلاقی عدم تشدد ۽ منوک نہ بوتگ انت۔ شہ ایشی ۽ جوانتر پہ آوان عدم تشدد بوتگ۔

طاقت ۽ مدام ۽ زیات کارمرز کنگ ۽ لیکہ ۽ نظریہ

بازیں چاگردانی توک ۽ تالانیں طاقت ۽ زور ۽ لیکہ و خیالمدامی انت بزاں لس مہلوک وتی حکومتانی ۽ دگہ گلانی نیک نیتی ۽ پیسلہ آنی ۽ کمکانی محتاج بنت۔ طاقت ہما مردمانی دست ۽ بیت کجام سروگی کن انت، کجام مالدار انت ۽ زوراک ۽ زالم انت۔ گڑا ہمداد طاقت بود کنت و بود کنت ۽ مدامی بیت۔ پدا پہ ارزانی ۽ بدل کنگ نہ بیت۔ بلے عدم تشدد ۽ مزاحمت ۽ بن ہشت دگہ ڈولے ۽ انت۔ ایشی ۽ طاقت ۽ گیشتر کارمرز کنگ ۽ نظریہ گشنت۔ گیشتر طاقت ۽ نظریہ ۽ توک ۽ چاگرد ۽ بازیں نیمگ ۽ بہر زورگ بیت۔ اے وتی گہبودی ۽ واستہ بازیں گل ۽ مردمانی کمک ۽ محتاج بیت۔ ہمے پیم ۽ عدم تشدد ۽ زرمبشت وتی وڑ و اندازان ( حکمت عملی) مردمانی لیکہ ۽ ہیالانی سرا جوڑ کن انت۔ کجام لس مہلوک ۽ دراجیں کمک ۽ سبب ریاست ۽ کارانی تہا پرشت ۽ پرورش کرت کن انت یا گڑا ایشاں بے کار کن انت یا چپ دینت۔

کنوکیں کاران نہ کنگ۔ نہ کنوکیں کاران کنگ

عدم تشدد ۽ مزاحمت کار تاریخ ۽ توک ۽ بازیں وڑ کارمرز کنگ۔ ایشاں دو جتائیں رنگانی تہا بہر کنگ بیت۔

**1:** مہلوک ہما کاران سرجم کنگ یلہ دنت کجام کاران کنگ ۽ انت۔ یاکہ شہ مہلوک ۽ ہمے کارانی سرجمی ۽ امیت کنگ بیت۔ چوشکہ کاران چہ زبہر بوہگ ، ٹیکس دیگ ۽ شہ دست زورگ، مال ۽ باہیکاٹ کنگ۔

**2:** دومی نیمگ ۽ مہلوک ہما کاران سرجم کنگ ۽ زور انت کجامان آ انچہ نہ کرتگ یا کہ پابندیانی سبب کرت نہ کرتگ۔ ایشانی توک ۽ احتجاج ، دھرنا ۽ شہری ناپرمانی ۽ دگہ رنگ ہوار انت۔ اے ڈول ۽ وار واری ۽ کار آرگ خلافیں مردمان پہ نظام ۽ داہم دارگ ۽ گران کنت۔ اے عمل لس مہلوک ۽ مزاحمت ۽ ہوار بوہگ ۽ اثر مند بوت کنت۔ پرچہ کہ اے عملانی رنگ جتا بوت کن انت۔ باز خطرہ ۽ کم خطرہ ۽ اثر بوتگیں عوامی ۽ چیریں بنجاہی ۽ بے بنجاہی کجام چاگرد ۽ جتا کارکنوکیں مردمانی ہوار بوہگ ۽ لازم کن انت۔

ہواری، منصوبہ جوڑ کنگ ۽ عدم تشدد ۽ پاسداری

سرجمیں عدم تشدد ۽ سے خاصیں راہبند انت۔ یکجاہ ( اتحاد) منصوبہ جوڑ کنگ ۽ عدم تشدد ۽ برجم دارگ۔ ہواری ( اتحاد) چاگرد ۽ جتاہیں جاگہ آن حرکت دنت کجامانی چہ بندات ۽ شکایت جتا بوت کن انت۔ ایشاں یک راہبندی مقصد ۽ واستہ ۽ یک جاہ کرت کنت۔ منصوبہ بندی جاوران گوں ہیالداری ۽ چارگ ۽ عمل کنگ ۽ وپد ۽ وتی مہمانانی وڑ ۽ ڈول ۽ وار واری ۽ شون دیگ ۽ گشنت۔ امن ۽ ایمنی

(عدم تشدد) ۽ پاسداری ۽ ایوک ۽ امن ۽ ایمنی وڙ ۽ ٿول کارمرز کنگ ۽ بارو ۽ سیادی ہوار بیت۔  
پرچہ کہ مردمانی بہر زورگ ۽ کم کنت۔ زرمبشت ۽ راہبندی ارزشت ۽ نقصان دنت۔ جہان ۽ شہ نیمگ  
۽ کمک ۽ کم کنت ۽ وپاداری ۽ امیتاں کم کنت۔

دہ جست

## 1جست:

زوراکیں حکمران عدم تشدد ۽ کار کنوکیں مردمان چہ چئے پیما شکست ورائنت

پسو

کلیں حاکم فترت ۽ وجہ زوراک نہ بنت حاکم ہما وھد زوراک بنت کجام وھد اوان مہلوک چیروکائی یا  
تچک ۽۔ کمک کن انت ہر پیمیں حاکم ۽ واستہ المی بیت کہ پولیس، پوج، عدالت و مزین افسر لازم وتی  
کاراں بہ کن انت۔ شئر و بازارانی توک ۽۔ مہلوک وتی ہر روچے کاراں بہ کن انت۔ ٹیکس و کرایہ  
بداینت و چہ ہما منڈی آن چیز بگر انت کجامانی کاروبار حکومت ۽ دست ۽ انت۔ لانچانی تہا ساز ۽  
ازباب سرکنوکیں مردم ۽ گون آوان ہوار ہال ۽ ہوال کنوکیں گلانی مردم ہم برگ ۽ آرگ ۽ کمک کن  
انت۔ اے چیزے ٿولگ انت کجامانی کمک ہمک راہبند (نظام) ۽ چینگ ۽ پہ المی انت۔

ایشی ۽ پجارگ ۽ گون امن ۽ ایمنی (عدم تشدد) ۽ کارکنوک انچیں راہبند جوڙ کن انت کجام اے کمک ۽  
کن انت ۽ کونگیں راہبند ۽ برجا دارگ ۽ گران کنت۔ مہلوک ۽ مزین ہسابے ۽ پاد کنگ ۽ احتجاج کنگ  
حاکمانی قانونی ارزشت ۽ کم کنت۔ زیات ہما وھداں اگاں حق ۽ ہبر کنوکیں مردمانی خلاف زور ۽  
طاقت کارمرز بیت۔ جیڑہ کنوکیں ٿولگ (مزاحمتی گروپ) حاکم ۽ چیردستی ۽ کم کنت ۽ نظام ۽ چلینگ  
۽ خرچ ۽ درچاں زیات کنت تانکہ ایشی رکنوکیں مردم اشی ایوکی روچانی بابت ۽ جست بکن انت۔  
یک برے اگاں وپاداری پرشت ۽ پرورش ۽ نیمگ ۽ روت گڙا ہر پیمیں زلم کنگ گران بیت۔

## 2: امن ۽ ایمنی (عدم تشدد) ۽ مزاحمت چہ پیم ۽ بندات بیت؟

امن ۽ ایمنی (عدم تشدد) ۽ بازیں سرجمیں زرمبشتانی تہا شہ مچاں ساری مہلوک ۽ عمل ۽ ہاتر ۽ کنگ  
بوت۔ مہلوک ۽ یکجاہ کنگ ۽ واستہ کم ہرچیں راہبند ۽ منصوبہ جوڙ کنگ ۽ اتحاد ۽ یک بہیگ لازم  
بیت۔ چوشکہ ہندوستان ۽ توک ۽ چست بوتگیں زرمبشت ۽ چہ پیسر گاندھی ۽ ماہ ۽ سالان گون مہلوک  
۽ نند ۽ سیادی ۽ گوازینت ئے۔ آوانی اڙ ۽ جنجال، آوانی امیت ۽ آوانی ترس ۽ بیم ۽ زانت ئے۔ آئی ۽  
شہ ہمے کار ۽ سوب ۽ شرمندی رست ۽ مہلوک ۽ کمک ۽ وپاداری گپت کرت ئے۔ آیان دیمروپی ۽  
واستہ ۽ کار کنوکان دلپڈی دات۔ بزاں ہما چاگردی ہزمتانی دلپڈی دیگ بوت کجامانی ثواب ۽ مہلوک ۽  
نیام ۽ وت کار کنگ ۽ وتی سر ۽ بروسہ کنگ گمان ات۔ پرچہ کہ مہلوک ۽ دل شہ ریاست ۽ پرشتگ

ات بلے پیسری ہج وڑیں جہد نہ زرت ات۔ امن ء ایمنی ( عدم تشدد) ء دراپیں رنگانی تہا ہوار بوہگ ء شہ پیسر اگاں جوانیں ہنر بہ رسیت گڑا زرمبش علاقہ ء جنجالانی سر ء جوانیں عمل زور ایت ء پدا ایشاں تن مزنیں حدے ء کارمرز کنت۔ چوشکہ پولینڈ ء اتحاد ء مردم جہازانی کار کنوکیں کارخانہ ء مزورانی دربندی (پڑتال) ء بندات کرت ہما و ہد شہ جنجالے ء سرجم بوتگ۔ آرتیں یونین جوڑ کنگ ء پدا آسانی سرجمیں جاہ و علاقہ ء۔ مردمانی سرا باز اثرمند بوت و زرمبشت ء دیمروی رست۔ ہمے پیم ء امریکہ ء شہر ء۔ مردمانی حقانی واستہ زرمبشت ء سرجمیں جلسہ و دھرنانی ثواب ء زوراک بوت و امریکہ ء۔ بازیں جاگہانی توکا نسلی پرک ہلاس بوت۔ اے تمامانی سوبا زرمبشت ء امن و ایمنی (عدم تشدد) ء۔ مزاحمت ء۔ توان و طاقت رست و زوت شہ زوت راجانی چم ء آہت۔

### 3: من چے پیما جلوس اڈ دات کن آن؟

کلیں زرمبشتانی راہبند و منصوبہ جوڑ کنوکانی واستہ ء۔ المی انت کہ آ وتی لوٹ و مقصدان بزان انت، آ طاقت، نزوری، ہنر و وتی دژمنا ہم بزان انت۔ آوان سیمی بہر زوروک و ڈنی کردارانی کمک ء۔ ہم زانگی انت۔ کجام و ہد زرمبشت وتی کسانیں، نیام تہابی این یا مزنیں و ہد ء۔ ہاتر ء۔ ٹارگیٹ ء۔ نمدار کنت، و جاوران پورا و اصولی وڑا راستی ء۔ چاربت۔ گڑا ہما وڑا ٹہینیت کجام وڑا لوٹیت۔ اے ہد ء۔ اگاں زرمبشت بنیات ء۔ شہ احتجاج کنگ لوٹیت و زانگ لوٹیت کہ ایشاں چے پیما سرجم پکنت گڑا اے وڑ کنگ ء۔ پہ جتا جتائیں پیچ و تاب ء۔ وسیلہ است انت۔

### 4: اگاں احتجاج مہ بیت گڑا چے کنگ بیت؟

بوت کنت مہلوک ہمے گمان کنت کہ احتجاج امن و ایمنی (عدم تشدد) ء۔ زرمبشت ء۔ بنیاتی کار انت بلے احتجاج امن و ایمنی (عدم تشدد) ء۔ کاربندانی وتی جہد ء۔ واستہ جوانیں کاراں یکے۔ عدم تشدد ء۔ زرمبشت و ہمے پیمیں دوسد ء۔ گیشتر پیچ و تاب انت۔ ایشاں شہ ہر یک کارمرز بوت کنت۔ باز پیمیں سیاسی، چاگردی، اڑتال، کم کار کنگ، کرایا، ٹیکس و فیس نہ دیگ، ناپرمانی، دھرنا، راہاں بند کنگ و ادارہ جوڑ کنگ عدم تشدد ء۔ چیزے نمونگ انت۔

پیچ و تاباں کارمرز کنگ و برجہ دارگ ء۔ فیصلہ تحریک ء۔ تہا جاورانی چارگ و گوں ہوار ایشی ء۔ لابیگی و مقصد ء۔ گوں سیادی کنت۔ اگاں یک زرمبشتے طاقتور و زورآور نہ انت گڑا آ کمکیں تالان و کم تاوان ء زانگ و پہچان کارمرز کنت انچوش کہ بابیکاٹ یا نام نہاد میں مظاہرہ و دگہ وڑ و ڈول دانکہ زرمبشت ء لابیگی ء۔ زیات پہ کنت و وتی توار ء۔ سر کنت و دشمن ء۔ پدا کنزینیت۔ یک برے زرمبشت طاقتور بیت پدا گڑا دگہ پیچ و تاب گیشینگ ارزان بیت۔ چوشکہ ریلی و مزنیں احتجاج و مزنیں حد ء۔ نا پرمانی کنت اے ہبر ء۔ پجارگ المی انت کہ نا پرمانی ء۔ مشہور میں رنگ احتجاج انت گڑا المی نہ انت کہ بس ہمے یکیں پیمے۔ کار کنگ بیت۔ جاوراں چارگ بیت و دگہ پیمیں کار کنگ بوت کنت، کجاماں شہ زرمبشت ء۔ کم خرچ ء۔ زیات جونیں پدا بہ رسیت۔ ساچستی فکر باز لازم انت کہ کجام پیمان کار مرز کنگ بوت کنت۔

### 5: اگاں زرمبشت ء۔ تہ ء۔ اثر مندایں راشون مہ بیت؟

بازیں تاریخی زرمبشتاں ابید چہ راشونانی جوانیں امن و ایمنی (عدم تشدد) ء\_ مزاحمت کرتگ انت۔ جنوبی افریقہ ء' نسل پرستی ء\_ خلاف زرمبشت ء' باز مزنیں کامیابی رسیت۔ آ وهد ء' آوانی راهشون قید و بندیگ ات انت و شه زرمبشت ء' دور ات انت۔

زیات المی این ہبر ایش انت کہ زرمبشتانی تہا راہشونانی وتی اثرمندی یا کہ آوانی جوانین گیاں شه زیات المی ہما ہال انت کہ زرمبشت ء\_ بہر زوروکاں چے پیم راہشونی کنگی انت، آوانی گیاں گوش دارگی انت بازیں کارانی خرچہ ء' پجارگی انت و مصیبتاں گوں پارستی ء' چارگی و علاقہ ء\_ راہشونان گوں شور و سلہ کنگی انت و علاقہ ء\_ راہشونان فیصلہ انی تہا ہوار کنگی انت۔ دانکہ اشی ء\_ سبب ء' جوانین کار کنگ بہ بیت۔

**6: اگاں ہمے گمان بیت کہ مے ملک ء' عدم تشدد ء\_ مزاحمت بوت نہ کنت۔**

عدم تشدد ء\_ مزاحمت ہر وهد سرجم نہ بنت۔ بلے تیوگیں دنیا ء' اے سویں بوتگ زانتکار ہمے گشتت کہ اے سویں نہ بیت۔ چلی ء' (جنرل آگسٹوینوسے) دنی ء' توک ء' بازبدیں حاکمے ء\_ انت، و کس گمان ہم نہ کرتت کہ عدم تشدد ء\_ مزاحمت آئی ء' چہ حاکمی ء' بے سوب کنت، بلے ہمے وڑ بوت و باز کمیں مردم ہمے گمان کرت کن انت کہ سربیا ء\_ حاکم (سلویدان میلازوچ) کجامی ء' (بلقان) ء\_..... گشگ بوت۔ چہ عدم تشدد ء\_ مزاحمت ء\_ سبب زبر بیت و پد کنزیت۔ دو ہزار ء' میلازوچ وتی ملکی پوجان پرمان دات کہ احتجاج کنوکانی سرا ارش پکن ات، گڑا اہی پوجان اے پرمان ء' نہ من ات انت۔ میلازوچ ء' گوں ابید شه وتی حاکمی یلا دہیگ ء' دگہ ہج راہ پشت نہ کپت۔

اگاں نوں ہم شمارا باور نہ بیت کہ شمے جاوررانی تہ ء' عدم تشدد ء\_ مزاحمت سویں بوت کنت یا نہ، گڑا دگہ راہ ء\_ پٹ و پول بہ کن ات۔ اگاں آراستیں وڑانت چوش کہ سیاست ء\_ نظام ء' جوان کنگ، گیچین کاری (vote) تہ ء' بہر زورگ، قانون ء' کارمرز کنگ، دژمن ء' گوں نندگ ہبر کنگ، پہ کمک ء\_ خاطر ء' دری کارستان توار جنگ و جنگی بخاوت کنگ ء\_ ہم راہ ہست۔ کجام دنیا ء\_ بازیں جاگہ آن کارمرز بوتگ انت۔ انچہ وا المی نہ انت کہ عدم تشدد ء\_ مزاحمت سرجم بہ بیت۔ بلے اے ہم المی نہ انت آدگہ وڑ سویں بہ بیت۔ پدا خلاف کار کنوکیں گروپ آنی شه نیمگ ء' انچیں فیصلہ کنگ لوٹیت کجامی ء' شه جتایں رنگ ء\_ ہمراہ پیدا کنگ۔ زلم ء\_ قانون ء' اقل دیستگ، زوراکی ء' چہ پھریز و ایشرا بے اثر کنگ انونین نظام ء\_ سرا اوشتوکیں مردمانی نیام ء' فرق پیدا کنگ بیت۔ تاریخ ء\_ تہا بازیں گروپ بوتگ انت کہ آ ہمے وڑ کار کنگ ء' پجاراتگ انت و ایشاں عدم تشدد ء\_ مزاحمت ء' ہوار کنگ۔ بلے کم و گیش ایشاں سیاست ء\_ بدل بہیگ ء\_ روایت ء\_ تہا کار مرز بوتگ۔ انچش کہ گچینکاری (vote)، سلہ کنگ و نظام ء' شه تہا ٹہینگ انت۔

**7: اگاں دژمن ظلم و زوراکی پکنت گڑا؟**

شما ء\_ بزان ات کہ دژمن ہر وهد ظلم و زوراکی کرت کنت۔ تاریخ ء\_ تہا ہمے وڑ باز وهد بوتگ، بلے دژمن ء\_ زوراکی ء' شه اے پجارگ مہ بیت کہ عدم تشدد ء\_ مزاحمت ء\_ زرمبشت سویں نہ

بوتگ۔ عدم تشدد ءِ مزاحمت ءِ زرمبشت بازیں پیمان زبر کنت کجام ایشی اثر ءِ کم کنت و ایشرا پہ زوراک و ظالم ءِ جند ءِ واستہ ءِ پریشانی جوڑ کنت۔

کلاس شہ پیسر جبر و ظلم ءِ چہ رکینگ و ایشرا چپ کنگ ءِ خاطر عدم تشدد ءِ مزاحمت ءِ زرمبشت ءِ انچیں راہ زورگی انت کجاماں ءِ زوراکى نابود کرت مہ کنت۔ چوش کہ چیزاں شہ بابیکاٹ کنگ۔ کجامی تہا مہلوک لہتیں چیزاں بہا زورگ ءِ شہ پھریز کنت۔ اے پیم ءِ احتجاجاں دارگ گراں بیت۔ پرچے کہ اے درست نہ بنت کہ کہے بابیکاٹ کنگ ءِ انت، بہر زورگ ءِ انت و کہ نہ زورگ ءِ انت۔ اگاں احتجاج و مہلوک ءِ دگہ ہمے وڑیں کاراں دارگ بیبیت، گڑا بگیر سیاسی مزاحمت یا بگیر مرکز ءِ کار کنگ بیت۔ انچش کہ ٹیکس و فیس نہ دیگ یا گڑا زرمبشت ءِ واستہ ءِ کسانیں ہڑتال جوان بیت۔ گوں ہمیشی ہوار عدم تشدد ءِ زرمبشت دژمن ءِ ظلم و زوراکى ءِ آبی جند ءِ خلاف چست کنگ ءِ سکین ءِ کار مرز کرت کن انت۔ ظالم و زوراکى ءِ دنیا ءِ دیم ءِ آرگ و شہ ملک ءِ تہا بت (فوٹو) و کسہ آن دیما آرگ دنیا ءِ سرمایہ داری ءِ نظام ءِ خبردار کنت و اکل دنت گڑا ظلم کنگ سک باز گراں بیت۔ ظالم و زوراکى ءِ مچ رنگ بدل کنگ نہ بوت انت۔ بلے کجام و ہد ءِ زرمبشت ہمے کاراں داریت و اے بدیں کاراں دنیا ءِ دہما کار ایت، گڑا ہمے ڈول بیت کہ مہلوک ءِ توک ءِ و دنیا ءِ دری ملکاں شہ کمک ءِ رسگ تن مزنیں حد ءِ ہلاس بیت۔

ہمے پیما عدم تشدد ءِ مزاحمت ءِ ہمے ڈول ءِ بازیں کسہ است انت۔ چوش کہ **1986** ءِ ءِ فلپاہن، **1988** ءِ ءِ چلی، **2000** ءِ ءِ سربیا و **2004** ءِ ءِ یوکرین ءِ تہا پوج ءِ مردم جست انت و گو انقلاب ءِ مردماں گوں ہوار بوت انت۔ ہمشاں چہ ظلم ءِ حاکمی جوانیں وڑے ءِ ہلاس بوت۔ اے وڑ ءِ پوج ءِ مردمانیں جیگ مزاحمت ءِ زرمبشت ءِ مزنیں جہد و منصوبہ جوڑ کنگ ءِ ثواب ءِ بوت۔

### **8: اگاں دژمن نہ من ات گڑا؟**

پہ سوہین بوہگ المی نہ انت کہ زالم ءِ جند ءِ منینگ بہ بیت۔ بلے دژمن ءِ چیزے مردماں منینگ بہ بیت۔ اے پزان ات کہ عدم تشدد ءِ مزاحمت تاقتور انت پرچہ کہ اے تاں ہزارانی ہد ءِ نہ بلکن تاں لکانی ہد ءِ مردمانی مزاج ءِ بدل کنت کجام کہ ساری ءِ دیم درا یا چیروکائی تشدد ءِ نمیگ ءِ ات انت۔ کجام و ہد دژمن ءِ تاقتور کنوکین دست کمزور بنت، گڑا آرازی بیت یا نہ بیت ہچ فرق نہ بیت۔ آئی تاقت تاں ہما ہد ءِ او شتہیت کہ آزانت انون آئی دست ءِ چہ اچ بوت نہ کنت۔ گڑا آنوکیں نظام ءِ ٹینینگ ءِ واستہ مجبور بیت انچوکہ ۱۹۵۸ ءِ ( پورٹ ایلزبتھ) جنوبی افریقہ ءِ نسل پرستانی خلاف زرمبشت سپتیں (سفید فارم) مردمانی کاروبار ءِ ادارہاں چہ بائیکاٹ ءِ ہمنچو تاوان دات کہ آیاں مبصوبہ ہاں بدل کنگ ءِ واستہ حکومت ءِ منت کنگ ءِ لگیت انت۔ اے ادارہ نہ انت کہ زرمبشت ءِ مقصدانی منوک انت۔ بلے اشان پدر بوت کہ زرمبشت ءِ حقان منگ المی انت۔

### **9: اگاں شما صبر نہ کن ات گڑا بازدیربیت۔**

عدم تشدد ۽ مزاحمت وتی اثران زوت پیش داریت۔ انچوش کہ اتحاد ۽ زرمبشت تان ده سال حکومت کرت نہ کنت۔ بلے ایشی ۽ چیزے سالانی تہ مخالف پارٹی ۽ جاگہ وٹاٹہینت۔ عدم تشدد ۽ زرمبشت ۽ سرجم بوہگ ۽ فیصلہ گو سگیں وهد نہ کنت بلے اے زانگ بیت کہ زرمبشت پائیدار انت ۽ وتی کارانی توک ۽ لائق انت یا نہ؟

**10: ماں چوں سوہین بہ این؟**

شمے سوہین بوہگ المی بیت اگاں شمے زرمبشت اتحاد جوڑ بہ کنت گوں پاریستی ۽ منصوبہ جوڑ بہ کنت ۽ عدم تشدد ۽ ٹٹینت۔

اتحاد باز المی انت پرچہ مزاحمتی زرمبشت ہمازوراک بنت کجام وهد ۽ گیشیں مردمانی واپشت ۽ سیادی ۽ رہشون بیت۔ اے زانگ المی انت کہ زرمبشت ۽ بارزورگ بے گرزانت (رضاکارانہ) مہلوک ہمے سبب بارزورانت ۽ مسیبتاں سرازور انت پرچہ اواں زرمبشت ۽ سراہوراست بلے اگاں اوانی نیام ۽ اتحاد کم بیت مقصد ہم درست مہ بیت گڑا مردم دور بینت۔ انچ ۽ عدم تشدد ۽ مزاحمت ۽ زرمبشت مردیں ۽ زالبول ، زاگ ۽ پیرایں جتالیں مزہب ۽ نسل انی مردمان ۽ تو دربران ، مزوران، زانتکاران، کاروبار ۽ مردمان ۽ دیگہ مردمان یکجا کنت۔

منصوبہ جوڑ کنگ المی انت۔ پرچہ عدم تشدد ۽ مزاحمت یک زرمبشت ۽ یا گروپ ۽ گوں آئی مخالف ۽ مقابلہ انت۔ اے مقابلہ ۽ تہ ۽ زرمبشت ۽ ترتیب دائیوکیں تاقت ۽ چپ دئیگ ۽ راہ ۽ راست کنگ ۽ واستہ تنظیم ۽ منصوبہ جوڑ کنگ لوٹیت عدم تشدد ۽ مزاحمت ۽ رہشون بازاین ( تدبیری) ترقییبی فیصلہ کن انت۔ انچو کہ وتی مال ۽ اسباباں چوں بازہ کن ان۔ ایشان چوں جوانین وڑ ۽ کارمرزہ کنا وتی دشمن ۽ کمزوری انی چے پیما فائدگ بہ زیراین ۽ جوابی ترکیباں چہ وتاں چوں بہ رکینیں۔ باز کم جوانیں فیصلہ وت بنت ، جوانیں منصوبہ ۽ ہاتر شمار ادوڑایں خبرانی زلورت بیت۔

یک وار منصوبہ جوڑ کنوکان ہمے سیاسی ، سماجی ۽ مالی حالتانی پوراخبریت۔ کجام اوانی دیما کا بیت ۽ اروان معاشرہ ۽ توک ۽ جتائیں گروپانی دلچسپی ۽ واپشتان زانگی انت۔ دومی زرمبشت ۽ منصوبہ جوڑ کنوکاں پہ زانگ المی انت کہ عدم تشدد ۽ مزاحمت چوں کارکنت۔ ایشر ۽ ذاتی تجربہ ، کتاب ، فلم ۽ انٹرنیٹ ۽ وسائل ۽ عدم تشدد ۽ مزاحمت کنگ ۽ سیاسی تنظیم ۽ تہ تجربہ داراین ادگہ مردمان گوں حال ۽ حوال ۽ شہ رسیت۔ عدم تشدد ۽ پاسداری المی انت۔ پرچہ کہ ہر چونیں زرمبشتے ۽ تہ ۽ تشدد کار مرزکنگ ۽ شہ مزاحمت ۽ اثرمند بئیگ ۽ روتگان سیندایت ۔ انچ ۽ یک سختیں کاروائی ۽ پیدا کنت ۽ ایشی ۽ موہ دنت۔ چہ ایشی ۽ بگیراگان یک زرمبشتے تشدد ۽ پولیس ۽ پوج ۽ خلاف تشدد کنت گڑا اے نظام ۽ رکینوکانی وفاداری ۽ بارکنگ سک گران بیت ۽ اے مردمانی نیام ۽ زرمبشت ۽ پہ چیرایں کمک ہم ختم بیت۔ اے چہ آئی باز بدل انت کجام مزاحمت عدم تشدد ۽ زرمبشت پیدا کنگ لوٹیت کجامی تہ ۽ زرمبشت ۽ مقصد یک آزات ۽ جوانین معاشرہ جوڑ کنگ مرادانت کجام پہ مچاں فائدگ انت ۽ زرمبشت ۽ کارکل این چیریں مہلوک ۽ دلیری ۽ باورکنگ ۔انوگیں حاکمیت ۽ کینوکانی نیام ۽ ہم ہمینکسس اثرمند بیت انچوش کہ اے نظام ۽ جتم کنوکانی نیام ۽ بیت۔۔۔!